

分享的快樂

自細漢，阮阿媽就呵咗我真有分張，予人呵咗當然真歡喜，毋過「分張」是啥物意思？阿媽講：「親像你袂孤佬，袂凍霜，毋管是糖仔餅，抑是迢迢物仔，攞歡喜佻別人公家食，公家要，按呢就是有分張啦！」我猶是無啥了解，干焦知影較濟人做伙食做伙要，按呢較心適啦！

等我讀小學一年仔，看著表姊共伊嬌嬌的長頭髮鉸落來，講欲捐予著癌症的囡仔做假頭髮，這是我進前毋知的代誌。糖仔餅會使公家食，迢迢物仔會使公家要，原來頭髮嘛會當捐予別人公家用喔！著乎！頭髮鉸掉會閣發啊！所以我嘛有樣看樣，就共阿母講我欲留長頭髮。

阿母聽一下，目睷展大蕊，繼落伊共我攬牢牢，用溫柔的聲說講：「你敢毋驚人笑？熱天時仔長頭髮真刺疫喔！」我講：「你毋是共我講幫助一人上快樂，我毋驚人笑，一定會堅持到底。」

毋過留長頭髮的過程並毋是蓋順序，因為我是查埔囡仔，袂少人看著我的長頭髮，會偷偷仔共我指指揆揆，我嘛捌佇公園拄著一个老阿伯，伊無好聲嗽罵我講：「查埔囡仔留啥物長頭髮，卸世卸眾，袂見袂笑。」聽著按呢，我無共應喙應舌，因為我知影我的長頭髮，會當予破病的囡仔得著快樂，誤會無算啥啦！我照顧頭髮蓋頂真，保持無必又閣烏黝黝，等伊長到尻脊駢矣，我會使捐頭髮矣，彼工我特別歡喜。

講實在的，我嘛捌有強欲放棄的時陣，毋過想著有人因為我的頭髮，會當有新生活，我就有堅持的勇氣，我相信這份堅持會鼓勵伊的新主人，佇治療的過程中有無限的信心，會當消啟齷齪的心情，會佻我有全款的快樂。阿媽講我大漢矣，全款有分張，會曉捐頭髮做好代，愈來愈慷慨，嘛會愈來愈有福氣喔！因為有量就有福啦！

想著遮的，我就心花開，分享真正是快樂的代誌，咱逐家相招來感受分享的快樂喔！